

# HONDAKINEN BILKETA SISTEMA ERABAKITZEKO PARTAIDETZA PROZESUA

2015-02-06. 1.SAIOAREN AKTA

## BILERAREN XEHETASUNAK:

- Bilera zenbakia: 1
- Data: 2015-02-06
- Lekua: Itziarreko apazetxea
- Hasiera ordua: 20:00
- Amaiera ordua: 21:30



## DINAMIZAZIOA:

- Parte hartzaile kopurua: 7 herritar (5 gizonezko eta 2 emakumezko)
- Mainer Zubikarai alkatea eta Jose Fran Muniozguren Agirrebeña Debabarrenako mankomunitateko gerentea
- Dinamizatzaileak: Arkaitz Martinez de Albeniz eta Markel Ormazabal.



## 1. ONGI ETORRIA ETA AURKEZPENA

Debako alkatea den Mainer Zubikaraik hartu du hitza, bertaratutako herritarrei ongietorria eman eta abiatzen den prozesu honen arrazoiak aurkeztu eta azaltzeko.

Hondakinen gaia azken urteetan Gipuzkoan asko lantzen ari den gaia dugu. Debako Udalak hondakinen egoera landu eta hondakinen bilketa sistema hobetzeko helburuarekin herritarren partaidetza prozesu bat jarri du martxan, herri galdeketa batekin amaituko dena. Erabaki hau sortu den Hondakinen Batzordean ari da diseinatzen eta antolatzen. Batzordea Udalean ordezkaturiko alderdi politiko guztiek osatzen dugu, eta Aztiker Aholkularitza lanak egiten dabil bai batzordean eta baita herritarren prozesuan ere.

## 2. PROZESUAREN KOKAPENA

Aurkezpenaren ondoren, prozesu honen antolaketa eta dinamizazio lanean arituko den Aztiker ikergune sozialeko Arkaitz Martinez de Albenizek hartu du hitza.

Prozesu honek dituen helburuak honakoak direla azaldu du:

- Gaur egun DEBA eta ITZIAREko **hondakinen egoera** eta bilketa sistema **ezagutu eta eztabaidatu**
- Bilketa sistema eta **aukera desberdinak ezagutu eta aztertu**
- Bilketa sistema berriak izan behar dituen **ezaugarriak proposatu**
- DEBA eta ITZIARerako hondakinen **bilketa sistema erabaki**
- Hondakinen **sailkatzea hobetzea**.
- Herritarrok **hondakinen inguruko kontzientzia** hartu

Hondakinen Batzordearen baitan, herri galdeketara eramango den/diren galderak baldintza hauek beteko dituztela adierazi du:

- %60ko gaikako bilketa-tasa bermatzen duten aukerak izango dira.

Horrez gain, Debako Hondakinen Batzordea bera izango da herritarrekin egindako prozesu honen ondorio eta eduki nagusiak bildu eta Herri Galdeketarako galdera formulatuko duena.

Gaurko saioak helburu hauek dituela azaldu du:

- Prozesuaren aurkezpena egitea
- Gaur egungo Debako hondakinen egoeraren aurkezpena egitea
- Partaideek egungo egoeraren azterketa egitea
- Hondakinen egoera hobetzeko gakoak identifikatzea

## 3. HONDAKINEN EGOERAREN AURKEZPENA

Jarraian, Debabarrenako mankomunitateko kide den Jose Francisco Muniozguren Agirrebeñak hartu du hitza eta Debako hondakinen egungo egoeraren berri eman du.



Lehenik, Deba eta Itziarreko biztanleriaren datuak eman ditu eta hondakinen bilketa zenbat frakziotan egiten den azaldu du. Kasu honetan, lau frakzio nagusietan burutzen delarik; papera eta kartoia, ontzi arinak, beira eta nahasia. Pilak, arropa eta olioak biltzeko sistemak baldin badaude ere.

Gero, 2013 eta 2014 urteetako Debako sailkatze tasak alderatu ditu eta bereizi gabeko hondakinen osakeraren berri eman du.

Konposta eta hondakinen tratamenduaren inguruan hitz egin ondoren, egungo sistemak sortzen dituen kostuei eta tasei erreferentzia eginez amaitu du.

#### **4. HONDAKINEN EGOERAREN AZTERKETA**

Azalpenak burutu ondoren, talde txikian elkartu gara, gaur egun Itziarren duten sistemaren atal ezberdinen indarguneak, ahulguneak eta hobetu beharrekoak identifikatzeko.

Itziarren hondakinen egoeraren azterketa egiteko landu diren atalak hauek dira: gaur egun, Itziarren sortzen ditugun hondakinak, gaur egun Itziarren sailkatzen dugun hondakina, tratamendua, sistemaren funtzionamendua, gastuak.

Hona hemen talde bakoitzak sortutako edukia:



	INDARGUNEAK	AHULGUNEAK	HOBETU BEHARREKOAK
<b>SORTZEN DUGUNA</b>	<ul style="list-style-type: none"> <li>Plastikozko poltsa gutxiago erabiltzen dira</li> </ul>	<ul style="list-style-type: none"> <li>Plastiko asko sortzen dugu</li> <li>Orohar asko sortzen dugu</li> <li>Tuperra dendetan jende gutxik erabiltzen du</li> <li>Material asko nahastuta dauden produktu-estalkiak daude merkatuan</li> </ul>	
<b>SAILKATZEN DUGUNA</b>	<ul style="list-style-type: none"> <li>Organiko asko biltzen da herrian</li> <li>Autokonpostarekin pozik gaude, asko ikasten da</li> </ul>	<ul style="list-style-type: none"> <li>Gauza asko errefusara doaz etxolen faltagatik</li> <li>Kontenedoreen zulo txikiek zailtzen dute birziklatzea komertzioetan</li> <li>Hondakin denak ez dira kabitzen edukiontzietan eta kanpoan utzi behar</li> </ul>	<ul style="list-style-type: none"> <li>Dendetan autokonposta beharko litzateke</li> </ul>
<b>TRATAMENDUA</b>		<ul style="list-style-type: none"> <li>Merkatuaren arau eta logikak berrerabilpena zailtzen dute</li> </ul>	<ul style="list-style-type: none"> <li>Lehenago berrerabili beharko genuke eta horrela residuo gutxiago sortuko genuke</li> </ul>
<b>FUNTZIONAMENDUA</b> (Gertutasuna, ordu-tegiak, garbitasuna...)		<ul style="list-style-type: none"> <li>Kontenedore falta</li> <li>Kontenedore batzuk lepo eta beste batzuk hutsik</li> <li>Pilen edukiontzi falta</li> <li>Gauza asko landa basotan botatzen dira</li> </ul>	<ul style="list-style-type: none"> <li>Telebista, irrati... botatzeko Mankomunitatearekin harremanetan jarri baino INFORMAZIOA eskaini</li> <li>Erraztu beharko litzateke</li> </ul>
<b>GASTUAK</b>			
<b>BESTELAKORIK</b>	<ul style="list-style-type: none"> <li>Arauk egotea ez litzateke ilogikoa</li> </ul>	<ul style="list-style-type: none"> <li>Ondo edo gaizki egin oraingo sistemarekin denok berdin ordaintzen dugu</li> </ul>	<ul style="list-style-type: none"> <li>KONTZIENTZIA lan handia egin behar da</li> <li>Gaizki egiten duenari</li> </ul>



## 5. HONDAKIN SISTEMA HOBETZEKO GAKOEN IDENTIFIKAZIOA

Partaideek galdera honi erantzun diote:

### Zure ustetan ze irizpide/helburu bete behar ditu Debako hondakinen bilketa sistemak?

\*Parentesi artean agertzen diren zenbakiek esaldi bakoitza errepikatua izan den kopuruari egiten diote aipamena.\*

Taldean markatu diren helburuak hauek dira:

- Jendea kontzientziatu eta ahal den guztia reziklatu. Politikoak bere lana hortan ondo egiten badute eta denak batera hortara joan
- Ahalik eta gehien birziklatu
- Hondakinen kudeaketa "merkeena" bilatu
- %60ko Sailkatze tasa gainditzea eta ez duenak ondo egiten isuna
- Jendearen kontzientziazioa
- %60a baino gehiago birziklatzea
- Garbitasuna
- Kontzientziazio kanpaina ostean sistema inposatu daiteke

## 6. ITXIERA ETA HURRENGO URRATSAK

Dinamizatzaileak lan saioaren errepasso azkarra burutu ondoren, hurrengo hitzordurako zita gogoarazi die partaideei:

***Datorren otsailaren 18an arratsaldeko 19:00etan Agirre Jauregian mahai ingurua egingo da hondakin bilketa sistema desberdinak ezagutzeko.***

***Hurrengo saioa otsailaren 27an arratsaldeko 20.00etan Itziarreko apezetxean.***

## 7. SAIOAREN BALORAZIOA

Irten aurretik, aretoaren sarreran ipiniriko karteltxoan saioaren balorazioa egiteko eskatu zaio parte hartzaile orori. Honakoa izan da partaideek egindako balorazioa:

	LAN EGITEKO MODUA	BILERAKO GIROA	SORTU DIREN EDUKIAK
😊	Xxxxx	Xxxxx Jende gutxi Kontzientzi falta	Xxxxx
😐			
😞			